



DISPUTATIO JURIDICA
DE
DEFENSIONE
NECESSARIA,
QUAM
CHRISTO DUCE
P R A E S I D E
Viro Amplissimo ac Consultissimo,
DN. GEORGIO DAVIDE LOCA-
MERO, J.U.D. IN QUE CELEBRI ARGENTORATENSIMUM Academiâ P. P. Facultatis Juridicæ
p. t. Decano spectabili, Præceptore & Fautore
suo æternum colendo:

*Publicæ disquisitioni submittit
in Auditorio ICTORUM.*

WOLFGANGUS LEONHARDUS WELSERUS
Augustâ-Vindelicus.
Mense Mayo.



ARGENTORATI,
Typis HOLLANDI FINDLERI,
Anno M. DC. XXIII.

427.

1623, 7.



NOBILISSIMIS, AMPLITUDINE, PRUDEN- TIA, ET AUTHORITATE

eminentissimis Viris,

DN. JOHANNI ABRAHAMO Chinger von Balz-
heim Ordinis Senatorii inclytæ Ulmensis R.cep.
Assessori gravissimo, suo è Sacro Bapismate
fusceptorivenerando.

DN. GUILHELMO Besserer Seniori.

Dn. Cognatis Fautoribus &
Patronis etatem suspicien-
dis, colendis, amandis.

Has Juris primitias in grati-
animi & observantiae
Symbolum
Offert.

Auth. & Resp.

ALLEGORICÆ ET
SYMBOLICÆ JURIS
Anno M. D. XXXIIII

Σὲν θερ.

P R O O E M I U M .

Nter omnes leges, quas natura generi mortalium dedit, non minima haec est, quae nos nostraque defendere ac tueri docet. Defensio enim, teste Francisc. Guicciard. hist. lib. 10. est ex lege naturae, cunctis mortalibus communis, Summi Dei voluntate gentiumque consensu comprobata; una cum mundo orta, destruta: cui neque civiles neque pontificiae leges. hominum placito nixa, & chartis exarata derogare possunt. Accessit vero ob summam propulsandae vis necessitatem, hominumque frequentem malitiam & injuriam ex Jure nostro modus quidam, qui moderamen verum & licitum nobis prescribit, quod usque se defendere licet, & quomodo malorum vim & injuriam depellere possimus. De qua necessaria planaque utili materia operae me pretium facturum existimavi, si pauca quedam pro ingenii viribus conscriberem, eaque publicae disquisitioni, divinâ favente & auxiliante gratia committerem: quod ipsum bono cum Deo jam facere aggredior.

I.

Defensio necessaria^a est potestas^b vim & offendiculum inustum^c depellendi.

a) Vocabuli defensionis vel defensoris varia est in Jure significatio: defensor accipitur quandoque protutore vel curatore. i.e. ff. qui pet. tut. quandoque accipitur pro eo, qui alium in judicio defendit

A 2

defendit

defendit & tuetur l. minor. s. i. cum duab. seq. ff. de procur. & defens interdum pro defensione sui corporis, qui armis se defendit: in qua significacione nos hic vocabulum defensionis accipimus. Vocatur autem hac ipsa etiam defensio moderamen inculpata tutela: l. i. C. unde vi. idque partim ob formam, quam moderamen illud constituit: partim quod talis defensio sit sine defensoris culpa, sed ob culpam aggressoris. l. 3. C. ad L. Cornel. de Sicar. l. 15. in pr. ff. ad l. Cornel. de Sicar. Nostri appellare consueverunt Nohtwehr. Constat. Carol. Criminal. artic. 140. vel getringter Todschtag. Gail. 2. observ. 110. n. 9.

b) Et quidem privata, omni Jure quibusvis concessa; vel privatâ authoritate & extrajudiciali. Cum alias nullus sibi ipsi permittere debeat ultionem, sed potius judiciale potestatem adire teneatur. l. 14. C. de Judic. l. 13. s. 3. ff. de usufi. Constat. 2. fendi. s. 3. de pac. ten. int. subd. & jur. fir. W esenbec. in parat. tit. de l. & l. n. 15. Diversa verò ratio quâd fui ipsius corporis tutelam, praesertim si periculum est in mora, & necessest postulat, tunc enim recendum est à communibus Juris regulis. l. 5. ff. de oper. novi nuntiat. s. 12. l. 6. §. 9. ff. de injunct. rupt. & irr. fact. iefl. l. i. C. quand. lic. unic. fin. jud. se vind. Et defensionis favor adeo se extendit, ut liceat cuilibet aggressorem impunè occidere. l. 4. C. ad L. Cornel. de Sicar. Qui enim se non defendit, nec obliabit se potest, injuria, tam est in virtute quam si parentes aut patriam aut socios deserat. Cie. lib. 1. offic. c.) l. 5. pr. ff. ad L. Aquil. l. 2. 3. 4. C. de Sicar. eoque exprimitur defensionis objectum seu materia, quæ est tam præsens quam imminens vis & injurya: oportet enim ejusmodi periculum ingruere & imminere, sic ut evitari aliter commode nequeat. l. 1. 2. C. ad L. Cornel. de Sicar. l. 4. 5. l. 45. s. 4. ad L. Aquil. W esenbec in Comment. in lib. 3. C. t. 27. n. 7. Propulsatio namque requirit precedentem offenditionem. Et ubi nulla est offendio, nulla quoq; potest esse defensio, hac enim ab illa pendet. Dn. Obrecht. diff. 3. th. 54. Ceterum recte additur injunctam, non enim contra quamvis offenditionem se defendere licet, sed eam tantum, quæ est injusta, & injuste aliqui infurter.

I.

Dividi potest defensio, illa, ratione objecti, in personalem & realem: personalis ^a est quando quis personam ab injuriosa vi atque offenditione instantे vel jam ingruentibus.

tetur:

te tuetur: Realis vero quando quis res^b bonaque sua suorumque contra vim & injuriam^c defendit.

a) Nemo corpus suum exponere debet in tantum periculum, unde damnum irrecuperabile oritur: & tale periculum, qui à se repellit, omni culpâ vacat. *l. i. s. 4. ff. de Sicar.* & qui vim ac iniuriam propulsat, jure id fecisse dicitur. *l. 3. ff. de I. & I. l. 45. l. 52. ff. ad L. Aquil.* Quod jus valet in eâ etiam quaestione, quâ queritur: An periculum attentata pudicitie jure a fine omni delicti culpâ repellit possit; si alio modo non licet, nisi cæde & morte ejus quistuprum inferre tentat: Id quod affirmamus ducti argum. *l. i. s. 4. ff. de Sicar. l. 8. s. quod si dederit. ff. quod met. caus.* quippe sicut vita ita & castitas & pudicitia semel amissa ac perdita irrecuperabilis est. *l. un. pr. C. de rapt. virg.* Et Ovid.

— Nulla reperibilis arte est
Læsa pudicitia —

Quam & vita ipsi in filia anteposuisse Verginium testatur. *l. 2. s. 24. ff. de orig. Jur.* Et quid homini salvum esse potest amissa vi aut erupta pudicitia. *Liv. lib. 1. dec. 1.*

b) Id est pecuniâm: vocabulo autem pecuniæ denotamus eas res omnes, quæ pretio pecuniæ estimantur, venduntur, ac emuntur; omnium enim rer. estimatio nummo ponderatur. *Arist. lib. 4. Erb. c. 1. & pecuniæ appellatione omnia continerunt Imper. in l. pen. s. 2. C. de Confit. pec.* Ex facultatibus vita sustentatur, adeo etiam, ut ipsa bona dicantur vita hominis: *Arist. loc. cit.* Hinc merus amissionis omnium bonorum æquiparatur mortui, non *Barthol. in l. s. ob turpem. 8. n. 6. ff. de cond. ob turp. caus. Georg. Obrecht. trait. de nec. def. c. 3. n. 12. 13.* Referimus autem ad rer. defensionem etiam famæ & existimationis defensionem, quia haec quoque est res aliqua, in mancipio quam & domino nostro existens: de quibus infra.

c) Pro aliorum salute defensionem suscipere an ex bono & aequo fiat, in ambiguo multi relinquent, innuentes, leges saltem propriam cuiusque latitem defendendam admittere, nec legum illarum sensum alio trahendum esse. Nos verò cum haud obscuras videamus in jure ejus assertions, nec id ipsum affirere erubemus. *l. i. s. item ff. de Sicar.* ubi exprelse dicitur, cum qui stuprum sibi vel (quod oportet) suis infereat occidit, dimittendum esse: Item *l. 8. s. fin. ff. quod met. caus. Confit. Caus. Crim. 150. artic. Vasp. 1. Confr. 19. n. 5. c. 6.*

Bocer. de bello & duell. lib. 2. c. 10. n. 2. & seqq. Treutl. vol. 1. disp 1. th. 4. Unde & D. Ambrosius dicit, eum qui non repellit à socio injuriam, si potest tām esse in vitio, quām illum qui facit. Et Senec. non solum non nocebis, inquit, sed etiam nocentes prohibebis. *Gerhard. Exerc. Justin. dec. ult. q. 6. Arum. disp. 1. in π. q. 4.*

I I I.

Causa efficiens duplex est: alia remota, alia propinqua, remota statuitur Jus gentium^a propinquā verō est tum homo,^b qui vim & injuriam à se depellit, tum instrumentum^c quo depulsiō fit.

a) *l. 1. in fin. ff. de l. & l. ubi primum definitur Jus gentium: & postea in quatuor frequentibus legibus per exempla & inter alia etiā per hoc nostrū declaratur. Et firmari potest hactratione, quia omnes gentes perāque hoc observant, ut arma armis vim repellant ac propulsent. Nos autem defensionem ilam non solum Jutis gentium sed & divini, naturalis, civilis & canonici esse asserimus. De divino enim testatur. Matth. 22. v. 39. Levit. 19. v. 18 Marc. 12. v. 31. De naturali. l. 1. §. 27. ff. de vi & vi arm. l. 1. §. II. ff. si quadr. paup. fecis. dic. De Civili. l. 1. & seq. C. ad L. Cornel. de Sicar. De Canonicō deniq̄ c. significat 18. de homicid. c. si verò 3. de sentent. ex commun. de his etiā Schneidev. lib. 1. Inst. tit. 2. n. II. & seq. Hillig. in Comment. Donell. lib. 1. c. 7. lit. G. & lib. 17. c. 2. lit. D. Arum. disp. in π. 1. th. 1. Treutl. vel. 1. disp. 1. th. 4. Wefenbec. in Comment. ad lib. 3. C. 27.*

b) Agens & movens, qui vim instrumento aliquo propulsat; ab hoc enim oritur principium motus. *Dn. Obrech. d. t. c. 5. n. 8.* Et quidem omnis homo sine ullo vel sexus vel ætatis, vel conditionis ac ordinis discrimine, quod satis demonstrat. *l. 3. de Instit. & Jur. posita particula Quisque: Verbum enim hoc Quis tām masculos quam feminas complectitur. l. 1. ff. de V. S. l. 29. ff. de hered. instit. idque in causis & decisionibus etiam penalibus: ut annotat Gedd. ad l. 1. de V. S. ax. 3. n. 53. l. ait Divus ff. de Jur. Fis. Sine Ätatis & conditionis discrimine dixi, quod & infans, puer, adolescentis, vir, senex, studiosus, Doctor, Apostolus, Pvæsytor, & ali quicunque vim imminenter justè & rectè propulsent. Idque adeò verum est, ut pleriq; velint, Sacerdotem in templo ex insidiis petitus, posse impunē aggressio nem occidere, & sacra antea incepta postea perficere. Gail. lib. 1. de*

P.P. 6. 8.

P. P. c. 8. lib. 2. obs 110. Porro etiam bannitiis vim vi repellere licet; defensio enim cum sit Juris naturalis & gentium, illis minime degenerati poterit. not. Bald. & Alex. in l. 1. & Bartolus in l. ex facto 17. ff. ad SC. Trebell. Civiles enim leges Ius natura mutare non possunt. Secus autem si statutum expresse quoque occisione permittat, quia tunc bannito omnis adempta defensio; quibuscunque etiam verbis illud conceptum fuerit, & sive licet sive impunè bannitum occidi posse dicat: plura de his vide in Colleg. criminal. Petri Theodorici disp. ult. th. 4. & Dn. Obrecht. cit. tr. c. 5. n. 10. II.

450.

c) Quae causa moyente pendet; ut si quis ad sui defensionem gladium, pugionem, bombardam, hastam vel aliud quodcumque instrumentum aptum adhibeat: qua omnia sub vocabulo generali armorum comprehenduntur. Et hec appellatio non tantum gladios, sed fustes, lapides, ligna denotat: Arma, inquit Varro, lib. de ling. lat. ab arcendo esse, quod his arceamus hostem: Inde Lucretius,

Arma antiqua, manus, ungues, dentesque fuerunt.

Tholos in Syntag. Jur. Univ par. 3 lib. 36. c. 26. de vi offens. Apparet autem eorum opinionem erroneam & fallaciam esse, quam probare conantur ex c. 18. significasti de homicid. voluntar. vel casu quod defensio debeatur fieri paribus armis. Nihil enim refert qualicunque arma adhibentur: quia necessitas quodvis obvium subministrat: sive sit arcus, vel lanca, vel gladius, vel saxum, vel lignum &c. Dn. Obrecht, in d. t. c. 5. l. 3. ff. de I. & I. & not. Cujac. ad hanc leg. Aram. disp. n. 1. th. 2. Hildeg. in Comment. ad Donell. lib. 17. c. 2. in not. subl. L. Wesenbec. ad lib. 3. C. t. 27.

I. V.

Subjectum defensionis sunt omnes homines ^a qui nobis vim atque injuriam faciunt; contra quos & defendere nos possumus; idque sine personarum respectu. ^b

a) Nulla expressa reperitur distinctio personarum, sed leges simpliciter omnibus contra quovis hanc potestatem tribuunt. Inde generalis lex generaliter accipienda, & ubi illa non distinguit, nec nostrum esse distingueri videri posset. l. 8. ff. de Public. in rem. act. L. 1. §. generaliter ff. de Leg. praf. l. 3. ff. d. I. & I. & l. 45. §. qui cum ff. ad L. Aquil. l. 1. C. unde vi. Et moti sunt his ipsis nonnulli, ut & contra Papam & Imperatorem defensionem ejusmodi concederent. Quos tamen male docuisse dicimus cum Dn. Obrecht. d. t. c. 6. & eorum sententiam.

Sententiam duram & iniquam pronuntiamus. Si enim in aliis quibuscum perfonis moderamen in culpatæ tutelæ est servandum, certè multò magis in summis hisce personis servari debet. Sic autem statuimus, quod regulariter omnibꝫ contra omnes concessa sit defensio: Et sub regula ista viros etiam à vita atq; injuria fœminarum sc̄e defendentes comprehendimus. Licet enim raro contingat, usū tamen compertum est, nonnunquam eō redactam rem fuīl, ut mulieres furibundæ & formidabilioribus armis instruētæ, viros humaiiores & armis impares in ejusmodi necessitatibus adigerent. *Confit. Car. crim. art. 144.* Non etiam excipimus ab ista regula maritum & uxorem: sed & hinc contrarium s̄avientem, tutelam vita ac corporis concedimus: quia maritus in uxorem vitæ potestatem non habet. Interim tamen levis & moderata uxoris coercitio viro non denegatur. Quia enim divino & humano Jure constitutum est, ut uxor maritum reveratur eique obediatur: *Genes. 3. 1. Pet. 3. 1. un. §. cum autem C. de rei uxor. art. & l. 14. ff. foliū. maritū.* Sanè eodem quoque jure constitutum intelligitur, ut maritus uxorem castigare & corrigerepositi, si hanc reverentiam & obedientiam detrectet. *Dn. Obrecht. d.t.c. 6. n. 52.* Præterea & sub eadem regula mediatorem quoq; comprehendimus: si non aliter se ab aggressore liberare quis possit, nisi prius hic mediator sit occisus. Tandem & regulam istam extendimus, ita ut contra bestias quoque & bruta animalia impetum in nos facientia defensio & occisio fitlicita: item contra ebrios, furiosos, noctambulos, quieti vim & injuriam inferendi propositum non habeant: vitæ tamen periculum presentissimum alteri, cui defensionem omnia iura concedunt, affere possunt. *l. 3. ff. de Just. & Jur.*

b) Commodè tamen hic videri potest de nonnullis, contrà quos vel planè non vel non facilè defensio ista concedenda videtur: veluti sunt Parentes, Praeceptores, Magistratus & ipsius ministri. Et primò quò ad Parentes, non possunt liberi illis gravius objurgantibus ac verberantibus resistere; quia illi jure suo utuntur. *l. 3. C. de patr. potest. l. 11. ff. de liber. & poſth.* Nostris tamen temporibus non talem licentiam parentes habeant, quale olim habuisse traduntur. *Liv. lib. 2. in pr. & P. Greg. Tholof. in Syntagma Jur. Univers. lib. 11. c. 5. & lib. 36. c. 24.* sed ejusmodi parentum in liberos s̄avitiam prohibent leges tūm Divinæ. *Exod. 20. v. 13. Prov. 19. v. 18.* tūm naturales: quia partes patris sunt, & nemo unquam suam carnem odio habuit: *Ephes. 5. v. 29.*

&c

& per filii corpus pater magis quam filius periclitatur *s. ult. Instr. de noval. art. tunc denique civiles l. 5. ff. ad l. Pomp. de parricid.* Quidigitur si pater filio vim atque injuriam inferat, num filius sepe justè opponet? Quanquam communis hoc opinio statuat, nos tamen vix ullum casum accidere posse credimus, quo liberis adversus parentes concedi queat, ut illis resistere & vim vi repellere possint: Sed fugā sibi potius consulant, vel si alio modo non possunt cædem sibi inferre patiantur, vindictam Deo committentes. Quam sententiam approbat *Dn. Obrecht. cit. tr. c. 6.* Cæterum nec Praeceptoribus & Dominis licet resistere, si moderatam castigationem adhibent: Secus est si modum excederint & si Magister in disciplina vulneraverit vel occiderit, *Lege Aquil &c. Corn. de Sicar. tenebitur l. 5. s. ult. ff. ad l. Aquil.* Praeceptoris enim nimia savitria culpa adsignatur. *l. 6. ff. c. t. Wefenb. in d. C. ad lib. 3. l. 27. n. 34.* Deinde Magistrati resistere non licet, quia minister Dei est, cui potestati à Deo ordinatae omnino obtemperandum, *Rom. 13.* & parere illi necesse est, *l. 167. ff. de R. I.* & matris loco esse dicitur, *Nov. 8. c. 8.* Quod si verò vim & injuriam inferat, melius est ut subditus vim illam patiat, non etiam vi oppositam repellat: Magistratum verò eā de causa judicio conveniat *l. 32. ff. de Injur. & l. 3. §. sed vim. ff. quod met. cauf.* Cum & alijs quandiu quis venire potest per directum, non debeat progreedi per indirectum, nec extraordinarie viae locus relinquendus, quando ordinaria superest. Observanda quoque distinctio quam facit *Dn. Obrecht. in d. t. c. 6. n. 7.* Juxta consideratur vel ut privatus, vel ut persona publica, si ut privatus procedit, impunè ei resistitur: & si quis eum defensionis luæ causa occidat, à pœna homicidii excusatatur: secus si ex officio Magistratus processerit addē *Colleg. crim. Pet. Theodorici disp. ult. th. 4. Wefenbec. in cit. Comment. ad C. lib. 3. t. 27.* Denique contra Magistratus ministros nemo se opponere audeat, quia hi sententiam & voluntatem superiorum suorum exequi tenentur: Cautè tamen & illi agant ne officiū limites excedant, datāvē operā & dolo malo alios percutiant vel vulnerent, vel interficiant: ut larpè ab hoc genere hominum fieri folet. Certe ejusmodi facta pretextu officiū non excusanda, sed gravissimè vindicanda sunt, *telle Obrecht. d. t. c. 6. add Fachin. lib. 9. q. 74.*

V.

Versatur autem defensio potissimum circa personas,

B

partim

partim propriam cuiusque ^a partim allorum: ^b Et circa
res, ea que tum corporales tum incorporeos.

a) Charitas siquidem à se ipsa incipit, & defensor propriæ sa-
lutis in nullo peccato videtur l. 3. C. ad l. Corn. de Sic. l. 3. ff. I. & I.

b) Qui sunt vel necessarii vel minus: necessariæ autem perso-
næ sunt Parentes, filii, conjuges, consanguinei, affines, domestici,
quos omnes si necessitas postulat propter vinculum charitatis & vitæ
consortium defendere ut tueri debemus; modò ne id simpliciter &
quocunque modo fiat. Etsi enim DD. aliqui alferant, Patrem aggresso-
rem filii impunè occidere posse; mot his inter alias rationibus, quia
tete Platone unumquodque animal pro suis factibus acriter dimicat,
& affectus paternus omnes alios vincit. l. 8. in fin. ff. q. m. e. & l. ult.
pr. C. de Curat. furios. Attraen quicquid illi dicant vel scribant, nihil
tamen obtinere possunt aut debent, quia leges istæ de re conceptæ de
suâ cuiusque propriâ non de alterius defensione loquuntur. l. 3. ff. de
I. & I. 4. in prime. l. seq. l. 45. §. qui cum ff. ad l. Aquil. l. 3. & 4. C. ad
L. Cornel. de Sicar. Distinguendum ergo hic erit inter defensionem,
qua sit sine laetione vitæ & defensionem cum morte conjunctam,
prior conceditur: l. 3. & 12. ff. de lib. caus. posterior autem non æquæ:
nisi specialiter lex tale quid permittat: (quod ipsum tamen ad conse-
quentiâ non est trahendum) veluti si quis qui stuprû sibi vel suis inse-
renté occiderit: ejusmodi enim occisor interdù impunè est dimissen-
dus: cum presertim nō ad violatâ tantâ personâ sed ad totâ familiâ in-
juria ejusmodi spectet. Nec filius patris aggressorem jure occidet: nec
marit⁹ uxoris, vel contraria &c. Quid si tamen fortè fortuna contingat,
ut pater filii aggressore, vel filius aggressore patris occiderit: nō poena
ordinariâ sed extraordinariâ & mitiori, interdum mitissimâ plecten-
dus quis erit: quatenus videl, non tam habuit animum occidendi,
quam alterum defendendi. fac. l. 1. §. Divus ff. ad Cornel. de Sicar. idq;
tum propter necessarias, tum extraneas perlonas, quarum defensio
intercedendo suscepta est locu habere, patet ex Consit. Car. V. P. H.
G. O. artic. 142. & artic. 150. & Gail. lib. 2. obs. 110. n. 19. vide etiam
Obrecht. d. t. c. 7. Minus necessariae sunt extranei & peregrini, quos
etiam ob præceptum Christi æquæ ac nos ipsos diligere debemus
Matth. 22. v. 39. 40. Marc. 12. v. 31. & qui alterum non defendit, cul-
pæ non vacat, dum sine causâ alterum deserit. l. 109. & l. 50. ff. de
R. I.

b) Quales

b) Quales sunt quæcunque in supellectili existunt; item fundus, ager, &c. item pecunia, qua sanguis ac secunda hominis vita vocatur. glos. & text. in l. *advocati* 14. in verbo *vitam*: ubi not. Bald. C. de *advoc.* divers. *Jud.* Alios autem occidere propter res, sive sint viles, sive pretiosæ, Dd. opinio prohibet; & rectè; quia inter hominem & res nulla est comparatio; nec vita hominis ullo prelio astimari potest: nec ullæ leges homicidium ob solam defensionem rerum permittunt. l. 9. ff. ad L. *Corn. de Str.* c. 2. *suscipimus*, de homicid. l. *sancimus* C. de SS. *Eccles.* l. 1. C. unde vi. *Obrecht.* c. 8. d. t. *Consule Weisenbec.* Com. in C. lib. 3. t. 27. n. 29. de his etiam supra.

c) Ut sunt bona fama & existimatio, cuius quis semper rationem habere debet. l. *Quintus* 48. *in pr. ff. mand.* etiam Augustinus ait: Crudelis est qui confidens conscientia famam negligit: Et melius est mori quam villy pendere Bald. *Conf. 212. col. 1. lib. 4.* Neque tamen propterea cædes aliqua famæ defendendæ causa conceditur. Quia disput est ratio in vita & fama defensione: l. 5. §. 1. ff. *de procur.* l. 38. §. pen. ff. ad L. *Jul. de adult.* cum alia remedia in promptu sint quibus suam famam integrum & salvam quis conservat ac tueri potest; per retorsione putata ut per actionem injuriarum. Etsi quidem plebejus plebejum injuriæ afficerit, retorsione verborum existimatio satis defendetur: quia par inter illos conditio est, & æqualitas personarum. Quod si autem plebejus nobilem quandam virum vel dignitate aliqua eminentem convitio petierit, non idem statim gladius stringendus erit, sed potius talium abjectorum hominum convitia more sapientum negligenda, & imitandum exemplum Catonis dicentes. Imper mihi tecum certamen est, tu suetus moribus digna tuis audire probra, eadem in alium gestis fundere: mihi vero male audire in solitum est, male autem dicere ingratum: vel remedia ex Jure desumpta adhibenda, idque ferè per actionem injuriarum, qua agatur vel ad aestimationem injuria §. 7. *Instit. de Injur.* vel ad *prævaricacionem* *Injuriarum* *existimatio* 21. ff. *de Injuriis* *Obrecht.* c. 9. d. t.

V I.

Forma defensionis debet consistere in moderamine inculpatæ tutelæ ^a ut in continentia ^b nec propter vindictam ullam fiat.

a) *Imper. Dioclet. & Maximian.* in l. 1. C. unde vi. *Schneidev.*

Comment. in Instit. lib. 1. tit. 2. de I. N. G. & C. Gail. de PP. lib. 1. c. 16.
Hiliger in Comment. Bonell. lib. 17. c. 2. Hænon. disp. Jurid. 1. th. 12.

b) Dum adhuc vis infertur: Nam si postea demum quis se defendere velit, magis id vindicta fecisse dicetur; sed in ipso momento aggressoris tutela consistat. l. si ex plagijs 2. §. tabernarius ff. ad L. Aquil
Idem Hænon. disp. 1. th. 12.

c) Cellante enim offensione cessat & defensio: & vindicta legibus est prohibita l. 45. ff. ad L. Aquil. l. 1. C. unde vi. Quod si tamen vis rebus inscratur, etiam post biduum vel triduum depelli ea poterit: nec qui eam sic repellit pro vindice, sed statum rerum repetitore habendus erit. Dn. Obrecht. c. 10. n. 4. & 22.

V III.

Æqualitas armorum non requiritur^a nec provocatus primum expectare istum^b nec protinus fugere tenetur^c.

a) Hoc natura ipsa dicitur, ut omni armorum genere, quicquid in promptu erit, se quis defendat. Dn. Obrecht. tr. cit. c. 11. Arum. disp. in π. 1. q. 2.

b) Arg. l. 3. ff. de I. & I. & I. 5. pr. ff. ad L. Aquil. Dn. Gothof. ad l. 3. 4. C. ad l. Cornel. de Sicar. P. S. G. Carol. V. artic. 49. Es ist niemand mit seiner gegenwehr bis er geschlagen wird zu warten schuldig. Melius est enim prævenire quam præveniri: & intacta jura servare, quam post vulneratam caulam remedium querere, l. fin. C. in quib. caus. refit. non est nec. Hænon. disp. in π. 1. th. 12.

c) §. 2. Injuria, ibi: si aliter periculum effugere non potest. Institut. tit. ad L. Aquil. l. 45. ff. ad l. Aquil. l. 6. s. quin. ff. de re milit. Constit. Carol. crim. artic. 140. Sind der Lenostigte kan füglich oder ohne gefährlichkeit und verletzung seines lebens nicht entweichen/ der mag sein leib und leben ohn alle straff durch eine rechte gegenwehr retten. Oleman. disp. 34. n. 25. & seqq. in obi. & resol. Arum. disp. π. 1. th. 2. Hænon. disp. in π. 1. th. 13. Secus tamen est si beneficio fuga haud dubie salutem quis querere potest: Neque enim fuga omnis improbanda vel turpis est; exemplo Christi, qui cum quereretur ab Herode ad interficiendum, auffugit in Ægyptum & cum Judæi ipsum lapidibus obruere vellent, secessit ex templo. Job. 8. v. ult. Matth. 2. v. 14.

Offensio

VIII.

Offensio nonnulla consistit etiam in provocatione
^a sed licet ea fiat, tamen non debet apparere provocatus,
^b nisi in eo salus utilitatis publicae verferur. ^c

a) E.g. Si Sempronius Titium evocaverit. *Vistuein redlicher
 gesvnd feni schelt/ so kom zu mir herauß/ vnd wehr dich mein.*

b) Quia ejusmodi provocatio non simpliciter & nudo verbo-
 rum sensu intelligenda est, quasi existimationem famamque laderet,
 præsertim si ab homine levi & nullius preti orta sit.

c) Quia salus populi etiam privato commodo præponi debet.
I. Samuel. c. 17. v. 31. & l. XII. Tabular.

IX.

Finis defensionis necessariae est tutela personarum &
 rerum, ^a & interdum quoque occisio aggressoris. ^b

a) Personarum vel sua propria vel aliena, salus enim & incolumitas proprii cuiuscum corporis omnibus primariò debet esse cura.
I. 3. d. I. & I. c. 2. de homic. Secundariò vero & suorum defensionem
 suscipere licebit, semper tamen adhibito moderamine inculpatæ tu-
 telæ.

b) Qui finis ut plurimum est præter intentionem defendantis.
 Nec enim defensioni modus præscribi potest, quandiu se defendere
 quis debeat, præsertim cum in dubio sit quando adversarius desistere
 velit, adeo ut si primo ipsum momento interficere poterit, jure id fe-
 cisse sit putandus: Cum hoc & ratio doctis & mos gentibus & feris
 natura ipsa præscribit, ut omnem semper vim quacunque ope pos-
 fint, à corpore, à capite, à vitâ suâ propulsent, ut *Cic. ait pro Milon.*

X.

Effectus defensionis est, quod defensio excusat vim
 illatam ^a & defensor qui adversarium membro mutilat
 vel interficit, nec de expensis, nec de ullo damno hæredi-
 bus tencatur; neque in pœnam fractæ pacis incurrat ^b nec
 donatarius ob sui defensionem donatorem interficiens
 redonata privetur. ^c

a) Quia quilibet quis & alios defendit, pro innocentibus haben-
 B 3 dus est;

dus est; & defensor propriè salutis in nullo peccasse intelligitur. l. 3. c.
ad L. Cornel. de Sicar.

b) Arg. l. 55. nullus ff. de R. I. nec is videtur pacem publicam
turbare, qui offendit suum offendit. Wefenb. in Comment. C. lib. 3.
t. 27. n. 26.

c) Sive poena sit legalis sine conventionalis. Paris Conf. 164. n.
22. Conf. 165. n. 23. lib. 4. Omni enim culpâ caret: & propter eam nullam
poenam meretur. Abb. in c. 2. n. 2. de homic. Dn. Obrecht. d. t. c. II.
Constit. Carol. in P. H. G. 142. & 150.

X I.

Repugnant defensioni privata ultio^a & excessus in
se defendendo^b nec servatum moderamen inculpatæ tutelæ:
transgredientes tamen non poenâ ordinariâ sed mi-
tius puniendi videntur^c.

a) Privata ultio omnino legibus prohibetur: l. 14. C. de Iud. 4.
45. § 4. ad L. Aquil. At defensio quæ intra legitimos terminos con-
stitit, non est ultio, sed propulsatio, quæ quis vim atque injuriam à se
depellit.

b) Excessus hic fit quatuor modis. 1. Si quis alteri minanti
sine causa necessaria sele opponit: Se enim ei opponit, cui se oppone-
re non opus fuit; quia adversarius nondum factò ipso læsit. 2. Si vis
sine armis illata armis propulsatur. 3. Si quis cæde alterius vel vulnere
graviori, vim repellit: quam sine cæde vel vulnere leviori propulsare
potuisset: ut si quis alapâ te petierit, tu vero contra gladio occidas.
Quanquam hæc cum impossibile sit, ut semper a quâ lance fiat offen-
sio & defensio, judici bono & aequo res committenda sit, qui ex fa-
cto ipso judicet. 4. Si quis offensione cessante alteri adhuc per vim
instat, quia cessante vi non debet quis fugientem insequi & occidere;
hoc enim magis ex vindictâ & privatâ ultiōne quām verâ defensione
factū videri posset ac deberet, plura de his habet Dn. Obrecht. d. t. c. 13.

c) Quia licet moderamen inculpatæ tutelæ non observant: ma-
gis tamen ira & animi perturbatione id fecisse existimandi sunt: itaq;
et si transgressi fuerint limites, mitius tamen erunt puniendi, (quate-
nus sc. non ex dolo id fecerunt,) & ratio irritati animi habenda. l. qui
cum major. 14. §. si libertus ff. de bon. libert.

Coram

XII.

Coram Judice autem probare defensionem necessaria debet ipse reus, ^a testibus ^b præsumptionibus ^c conjecturis ^d quod si præstare non poterit, revera reus & condemnandus erit ^e.

^{a)} I. i. C. ad l. Corn. de Sicar. I. s. C. de Jurejur. P. H. G. Carol. V. artic. t. 42. in pr. ibi die nohtwehr ist auf die erste tödliche anfechtung; oder benötigung begründet.

^{b)} Etiam domesticis. Gail. lib. I. de PP. c. 16. n. 22.

^{c)} Que locum tum potissimum habent, si dubitatur, quis primus alterum aggressus fuerit.

^{d)} Que sunt armorum, personæ, loci, & temporis: quæ omnia a Judici commitimus, secundum acta & probata judicaturo.

^{e)} Qui hujusmodi probationibus defitus justam causam habere non videbitur, dignus pœnâ habebitur, vide etiam de his Fa- chin. I. Centr. 27. Plura apponere instituti hujus ratio non permittit: Itaque pauca hæc è multis de materia hac excepta sufficiant. Unum restat, ut receptui canentes Deo laudes dicamus.

Moniti meliora sequentur.

PARERGA.

Cononidis loco placet & sequentes questiones huic disputari
Cittoni annexare: An fugientes ob delicta ad Asyla inde exterriti possint? priusquam autem certi quid definiamus, sciendo, Asyla ejus potissimum gratia esse instituta, ut inviolantary homicide tutum habeant receptum contra vindicem sanguinis propinquai occisi (quemadmodum vindicille impunè ulcisci potuit cognati cædem si in homicidiam incidet) & ne terra innocentis sanguine hoc pacto pollueretur, ut Zepperus ait lib. I. de Legib. Mos. c. 7. atamen providendum est, ne confluant eò homines qui ex προσεπέσαι delinquent, quosque paniri Deus jubet & Reip. interest non obstante hic Ju-

re Canonico.

re Canonico quod diversum ab Jure divino & civili est, c. eos
qui ad Eccles. diff. 87. Sed Imperator noster Justinianus huic
contrarias leges sanxit Nov. 117. c. uis. Non debent hujusmodi
personae in venerabile loco munimenta habere, quem ipsi per se-
lus proprium despicerunt, & Nov. 17. c. 7. Temporum cau-
tela non nocentibus sed lexis datur. Quae constitutiones cum
Legibus divinis admodum sint congrue, quibus Deus santes
ab altari suo alevi voluit, ut moriantur. Exod. 21. v. 14. ut
accidit Iob 1. Reg. 2. v. 29. & Adonie qui templo extractus
fuit 1. Reg. 1. v. 50. ideo merito obseruande erunt, Vide etiam
Zepherum cit. loc. & Schönbor. lib. 1. polit. c. 14.

I. I.


An tortura pugnet cum principiis theologicis & politi-
cis? Sanè Deus optimus omnium Legislator suo populo nul-
lam de torturis legem dedit, & in Sac. Script. ne gry quidem
extat teste VVilh. Zopp. in lib 5. de Leg. Mos. c. 10. præterea
ethnicum hor. tormentorum & tyrannicum videretur esse in-
ventum: expers omnis charitatis & commiserationis, quod
Augustinus non tantum improbat sed etiam deplorat lib. 19.
de Civit. Dei c. 6. Et ipsa experientia docet, multos nimis
cruciatibus viatos ea fassos esse, que nunquam fecerunt: adeò
ut sapè nihil certi sciri possit, ut Michael Montanus 2. des
essais c. 5. ait. Cest une dangereuse invention, que celle des
gehennes, & semble que ce soit plus tost un essais de patience,
que de verite. Et celuy qui les peut souffrir, cache la verite,
& celuy, qui ne les peut souffrir. Inde fortassis Angli his ratio-
nibus moti, nullam hodiè torturam adhibent. Attamen no-
stris in regionibus recte eas adhiberi statuimus cum Dn. Be-
saldo lib. 2. polit. c. 2. n. 28. v. 3. citante Kekermannum
disput. pract. 32. quest. 4.

F I N I S.


Strassberg, Diss., 1623-26

X26 n020

VDMX



Farbkarte #13



B.I.G.

Black

3/Color

White

Red

Yellow

Green

Cyan

Blue

TATIO JURIDICA
DE
ENSIONE
CESSARIA,
QUAM
CHRISTO DUCE
PRÆSIDE
aplissimo ac Consultissimo,
GIO DAVIDE LOCA.
IN QUE CELEBRI ARGENTORATI
ademiâ P. P. Facultatis Juridicæ
rectabili, Præceptore & Fautore
paternum colendo:
e disquisitioni submittit
Auditorio ICTORUM.
s LEONHARDUS WELSERUS
augustâ Vindelicus.
Mense Mayo.



GENTORATI,
OLLANDI FINDLERI,
o M. DC. XXIII.

427.

1623, 7